






列女傳卷十六

仇英實甫繪圖





羅懋明母


羅柏舟者胡侍御之女羅雙湖之妻懋明之母也幼貞淑凝靜侍御每奇之爲擇雙湖配焉母歸湖僅八年湖病卒遺姑六十有奇明甫三歲父母慮其年少而難於守有議焉母仰天曰夫婦之義刻骨不可忘再醮之羞瀚海不可洗吾之所以不卽死者以堂上白髮無所仰面膝下黃口無所乳哺也侍御聽之爲改容母竟儉約辟績足不出門戶者終身如一日也姑嘗病絕喘獨心腕中微熱母不忍斂越二日夜三鼓盡恍惚間夢一金衣美貌語之曰汝姑無恙矣適閻帝遣歸之後十五年

當去驚覺忙視姑莫有微息亟取湯潤之過其堂上見
燈霧濛濛儼如夢中景狀蓋夢中與語者卽其素所信
事金身觀世音也姑竟愈課明以易補邑庠隆慶初事
聞有司南昌縣侯嚴錫扁曰栢舟高節里閨號曰迎湖
羅栢舟蓋借其地而言也君子謂明母貞而賢詩云敎
訓爾子式穀似之此之謂也

注 曰古有栢舟之詩誓不二適乃今於羅母而
復見之羅母之事姑以孝持身以節課子以慈雖若
嬾道之常而實不當求甚高難行於此之外焉者蓋
彼以待御之女講貫有素故克脩帷薄仰事俯育婦
道如是而止彼亦止乎其所可止詎必過爲皎皎之
行以求有述乃爲愉快乎哉邑大夫能旌表以風也
識政之所先矣

列女傳卷十六





沙溪鮑氏

國朝歛沙溪鮑氏汪應宿妻也應宿貧服下賈家苦不
給鮑事舅姑無所失卽身凍餓鮑安之嘉靖甲子應宿
負疾還鮑爲之延醫不遺餘力應宿自度不起私告母
曰婦從兒十年勞苦極矣兒卽死幸擇可者醮之鮑聞
而深自傷乃徧謁宗人爲應宿乞喪具有頃鮑語應宿
曰君嚮與君母言妾聞之矣妾知從君以死不知其他
君母嚴他日惧不得死所君之喪具旣具妾可無卻願
憂妾請先君其待君地下蓋先自飲藥危坐正寢而終

乙丑七月二日也越三日應宿死

注 曰鮑氏之蹇可云極矣夫服下賈自給爲艱
暑雨祁寒身不免於凍餒而爲夫盡禮以事舅姑十
年之間備嘗辛苦尚有望於將來也無何而夫負疾
疾且不治則又徧謁豪門爲夫而乞喪具具備而竟
先夫以死蓋自有家而後歡娛之日甚淺而窘困之
日甚多是夫之得此婦何其幸而婦之遇此夫何其
苦也不去貧賤不憚死亡是有君子風烈卽以等於
中古貞烈之班能無忝矣





陳宙姐

陳宙姐長樂陳岳伯孫女也幼涉書史許聘里中黃長
史孫男一卿嘉靖末倭寇至宙姐從母匿岩穴中恒傳
刃衣中以需死計母大詫異隆慶初年寇平歸於黃一
卿一卿夙負奇抱有聲膠序陳沾沾自喜有聞鷄斷續
之風居逾六年卿冒痢疾陳籲天請代痢劇卿度不起
與訣曰余天無子爾歸依寡母爾志余知匪他祇自愛
以終未亡耳陳含淚應曰幸爲君婦死生以之君倘不
測直殺身相從寧能有覩旋反遂擢髮結於卿髮納指
於卿口令齧爲信約六日遲我地下卿卒治匠事嚴陳

求再具一棺俟死家恐其哀毀殮弗與知陳覺至柩所以首觸棺自是哀慟絕粒屢經救免旦日盡出所御服飾分贈親屬并治喪具復揖其翁曰舅婦禮隔母敢致詞姑以女視婦俾子婦得祔塋側歲時不爲若敖氏鬼足矣犬馬之報須待來生言訖仆絕舉家相顧慟裂命以云爲諒喪闋不爾後及二日忽大息曰雞鳴矣正余夫屬續辰也整容而逝顏色如生計卿卒凡六日家人意其復甦不忍棺之越日乃克殮形殊不改觀者如堵邑侯蔣公廉其實請於當道扁其門曰貞烈時憲副林公山說直少許可獨榮是舉戒迎扁者謂徐徐行使孀嫠堅其向往亦以愧世之事二夫者詩曰宜其家人又曰舍命不渝風人之旨似咏陳氏也夫

列女傳卷十六


八

汪 曰陳宙姐之貞烈可謂希世罕覩者矣觀其言考其行直令人胆裂心摧泣涕如雨矧及見之其悲慘又宜何如者結髮爲質鬻指爲信六日之約卒如其期此雖其情之堅實其性之烈也夫卽其幼也傳刃以備倭則其貞烈得於性生名節之成已兆於

斯日矣

列女傳卷上六

九






汪應玄妻

國朝歛李氏生斗閣梁年十九歸潛口汪應玄爲繼室
應玄病瘵三歲李奉湯藥謹事之病殆應玄謂李曰若
年少我死其柰若何李應曰君故有息子足以奉丞嘗
君在與在君亡與亡無二心也應玄伏枕頓首曰幸甚
李於是歸辭父母母治具飲食之李特飯一盂終不舉
箸旣而告母狀母爭之彊李拂衣就輿不反顧歸則脫
簪珥授二子婦部署中外財產召二子悉分之無何應
玄死歛畢李哭之盡哀尋閉戶自經覺者啓戶入賴不
死父至泣曰汪郎家故饒若依子婦白首稱未亡人宜

無不可何死爲李祥應曰諾日暮遣守衛人出就食戒
女奴曰第鑰戶我困甚幸得少休食頃縊卧內死年二
十二

汪 曰李氏以青年死節奄棄富饒聞且見者靡
弗悼惜乃厥夫於其欲死也則曰幸甚厥子厥婦於
其欲死也不聞諫止所泣留而彊爭之者獨其生父
若母耳豈當時所處之勢亦有不容於不死者故蚤
見而蚤自裁期一死之爲安乎此志旣决卽于斯萬
斯黃盈白溢弗能易矣






步善慶妻

步善慶爲陳氏贅婿未幾病卒其妻哀痛三年如一日
服除拜其父母兄嫂曰吾夫家無可依乞養我以終身
其父曰汝年少當爲汝求配婦不荅卽自經而死

列女傳卷之六

十三





王貞女

列女傳卷十六


十四

國朝貞女王氏名英父七寶母程氏休寧人也以嘉靖
辛丑十一月十七日舉貞女女生而端靜勤女紅抗志
自將不與羣女埒榆村程傳芳有次子思從蹇脩聘焉
嘉靖丁巳屆親迎期而傳芳攜其二子賈于外屬妻王
氏寢疾願得逆女歸一覲也具言于女父母許之女歸
時年十有七耳明年傳芳負橐歸王氏恠詢仲兒當後
至再越歲而賈有自淞中來者思客死矣舉家哭女絕
而復甦者再天乎不天而何以生也則有地下從耳傳
芳偕其妻王氏頓足曰天禍吾家兒死矣有如女復死

列女傳卷十六

十五






費愚妾

燕山中護衛指揮使費愚妾朱氏愚久患風疾不愈一日醉語其妻妾曰我死誰與俱往朱氏遽應曰妾願往及愚卒朱氏即日自經死事聞上嘉其節義命賜誥視正妻降等贈之

列女傳卷十六

十七





許顯二妾

真定高邑許顯二妾陳氏牛氏顯卒陳氏牛氏俱自經
旌爲雙節之門



列女傳卷十六



方貞女


國朝方貞女徽之祁門人休寧李宗敏聘之敏業舉子未娶而卒時女年十六哀慟不已欲奔弔守所志父母不可解之曰嗟而止豈無名家子爲而匹耶天地許大日月甚長徒槁死于荒野無人知之地無益也何自苦廼爾女失聲泣數行下曰言有愧出吾口者至此則不容不言吾固未夫面而業已許李則生爲李氏妻死爲李氏鬼矣因絕粒水漿不入者數日父母知其志不可回以嘉禮送之李門李門老幼數百人靡不驚歎徘徊而迎于道者履相接也既至詣樞再拜伏地痛哭幾絕

日夕悲號蓬首垢面惟期于自盡舅姑及妯娌族人咸泣而慰之女少甦從容言曰夫我天也無天與死等耳義不踏第二條路顧老親在堂烝乳焉依未亡人何敢就死重傷地下心自是衣縞素謝膏沐攻苦食淡克供婦道以祔事舅姑手製杏壇五倫二圖納之家廟以代死者報宗德也族人展圖凜乎有生氣蓋孝思所感焉深肩簡出罕覲其顏面孤零慘戚左右維谷如枯禪菊尼人爲弗堪貞女處之宴如也而朝夕緝織克儉克勤里中女咸師事之稱之曰士女士女云

汪 曰女之烈者一死已可塞責女之貞者終身

列女傳卷十六

難於堅持故貞比烈尤罕覲焉若方貞女其志其行兩足嘉也以爲女師其弗愧矣我聞在昔嫠之江灣貞女江氏字雲莊葉某未嫁而其夫卒貞女奔弔遂守柩不歸時躬女工以自給爲諸女師女有旣嫁而歸寧者過候起居貞女輒不復見里中大夫以上聞朝廷優賜旌表事與斯符當與斯傳竝留不朽特附見焉



列女傳卷十六



方烈女

國朝歙縣方氏北山方涓女也生二歲涓從母黨許聘稠墅汪鳳時後十五年鳳時死女輒斷髮絕粒必從鳳時父母諭女百端不聽鳳時母遣家媪勞女女語媪曰母多言我生死則汪氏婦也若歸告我姑旦日亟臨視我我其猶可須臾無死從姑以歸不來吾不夕矣旦日姑至諭女如父母言女拜且泣曰大義勝恩姑毋父母以也願姑逆婦使得臨夫墓執夫喪卽奉姑以終天年我死不後姑察其不可奪也遣車逆之比至墓姑褰帷視車中業已經死遂合葬

汪 曰汪方世爲昏媾其定厥祥也緣舊誼而締
新盟也闕公宮而待期結褵有日矣詎謂昊天不弔
殤子適爲淑女禍乎臨墓之舉已爲同穴之謀甘荼
毒其如節而此心無二洵九死其不圓也寧以衆口
之申申而少變乎哉婦禮未成奄忽同盡辭青陽而
卽長捐親戚而殉少履信踐貞姘節無兩矣

列女傳卷十六





熊烈女

國朝烈女熊氏女麻城人邑庠生幼學之女也年五歲許適邑人劉康十一歲聞舅訃持喪三年隆慶壬申冬將婚會

衣

萬曆癸酉春康病甚女聞之慟

默計股可藥病剝股上片肉欲遺康幼弟誤棄之女復重剝寸許遺康食之疾稍愈延月餘復作女知不起泣

劉視藥竟不從康死計聞伏地哭幾絕頓少甦歎

曰吾事定矣是日卽不飲食求死母勸解之女曰我前月方疹若以疹死亦能顧恤我耶衆皆勸之曰汝未成婦無死之義有勸以改聘者女曰吾已割股食劉又向

列女傳卷十六

三

服三年而出適女之服父母止於朞何者義勝恩也
故女爲夫死卽臨之以父母之命而終無以得其曲
從誠重義耳祭足之妻獨謂人皆夫也父一而已是
何其言之悖禮傷義若此乎熊氏女雖字劉未成婦
禮似可無死而彼義不獨生蓋盟堅金石不欲蔑若
弁髦也讀斯傳殊令人悽愴悲慘感奮無任况親見
之者乎夫人寄生匾字亦顧其名何如耳名苟無稱
則壽人僅同夫殤子名苟無數則朝菌且勝於大椿
然則女雖亡有不亡者存令名所留千載弗磨也已

